

Feihyiz Guekgya Gaep: Heiqcaijdiu

□ Vuz Caumingz Dwng Cangj daengi



▲ Caijdiu《Gyaep Siengjmuengh》.

◀ Gij siengq citheiq caijdiu
《Liuz Samcej》.



▲ Bouxyienj caijdiu baenzsau
raixcaix.



▲ Gwnz daizheiq Yizcouh Si
cingq yienj heiqgofoux caijdiu
hung《Liuz Samcej》.



▲ Caijdiu《Liuz Samcej》ciengz-
mienh ndeiawj dangqmaz.



▲ Gyoengq bouxyienj youq
hagdangz daihhag baijok gij
gyaeundei vwnzva minzczuz gih
raeuz.

Caijdiu dwg cungj citheiq ndeu, gyoengqvunz Guengjsae cungj gyaep yawj maij dingq; cungj heiq neix youz “diuhdoxdoi” yienjbienq baenz, “diuhdoxdoi” youz doenghgij gofoux, gangjciengq lajmbanj rangh-dieg Gveilinz yienjbienq baenz; caijdiu faenbous haemq gvangq. Heiqcaijdiu riuzcienz youq rangh-dieg Gveilinz, Liujcouh, Hozciz, Bwzswz daengj. Aenvih vahdoj mbouj dox-doengz, baenzlawz heuh mingzcoh gij heiq neix, gak dieg cungj mbouj doxlumj. 1955 nienz, caemhcae heuhguh “heiqcaijdiu”.

Heiqcaijdiu hingzik seng-doengh swyienz, doengsug ngaih rox, heiqmoeg ndawde neiyungz depgyawj saedcej vunzlai dangqmaz, miz funggek minzczuz caeuq daegsaek deihfueng noengznwd, ndaej haenh guh “cungj heiq angqvau hom namh lailai”. Gij heiqmoeg gingciengz yienj miz 《Vangzsanh Dwkroeg》《Liuz Samcej》daengj.

Heiqmoeg heiqcaijdiu daih-bouhaenh aeu gij saeh guhhong, guhyoux, saedcej ndaw ranz daengj guh cawjdaez, miz haujlai gojgaeq bakriuz caeuq bonjfwngzcau riu youq ndawbiengz. Caijdiu goekrag cap youq ndaw vunzlai lajmbanj, caiq caeuq gij diuh’iq ndawbiengz dangdieg doxgap ndaej gaenjaenh, neix caijdiu baenz le gij funggek biujyienj miz neiyungz dwgriu, hingzik sengdoengh swyienz.

Aen sigij gonq 50 nienzdaih doxdaeuj, heiqcaijdiu cingzcik lwenqda, laebdaeb ndaej haenhndei.

60 nienzdaih codaeuz, aen heiq《Liuz Samcej》ok ndawbiengz daeuj, seiq baez hauej Cunghnanzhaij, baengh neix mingz riu doh ndaw guek, ndaej lajmbwn haenhndei.

60 nienzdaih mboengq cungq-gyang,《Sam Duj Vahoengz Iq》caiq hauej Baekging, doenghboux yenjyenz ndaej Mauz Cwzdungh, Liuz Saugiz, Couh Wnhlaiz daengj cunghyangh lingjdauj ciepraen, cit heiq neix lij

ndaej Bwzgingh Denyingj Cibencangj ingbek baenz yisuzben daizheiq le cuengqingj.

70 nienzdaih mboengq sat, heiqciuhneix《Saeh’ angq》coengh Guengjsae duedndaej aen ciengj sawheiq maenhndei, neix hawj heiq-caijdiu yienh’ok gij daez lajmbanj miz doedok hungmbwk.

80 nienzdaih,《Fukdoz Haj Lwg》caiq hawj heiqcaijdiu hwnghoengh mbat ndeu, geijcib aen heiqcungj, geij bak aen heiqduenz doxdanj yienj.

80 nienzdaih,《Naj Hoh Yih Hoh Haih》laebdaeb camgya Cungguek Cietciheiq caeuq citheiq ciuhneix yawjngonz yienjok, ndaej Vwnz-vazciengj, Cungguek Cauz Yiz Higi Vwnzyoz Ciengj daengj 23 hangh ciengj guekgya gaep, 13 hangh ciengj sengj gaep, miz yingyangj gvangq dangqmaz.

2003 nienz 9 nyied daej, youq mbanjranz Liuz Samcej——Yizcouh Si Cwngznanz Gvangjangz, Cungh-sanah Gvangjangz, Yinminz Lij-dangz, Cwngfuj Lijdangz daengj yienhciengz gizdieg gawjhengz heiq-caijdiu yisuz comzbauq yienjok, vunz ningnyaengnyaeng, sing bekwngz goksasa. Gih raeuz caijdiu yisuz ndaej gyoengq “bouxmaij caijdiu” daj gak dieg daeuj haenx haenhndei dangqmaz.

Geij bi neix daeuj, guekgya yawjnaek henhoh feihvuzciz vwnzva yizcanj. 2006 nienz 5 nyied 20 hauh, caijdiu ndaej Gozvuyen baecinj liedhauej daih’it buek guekgya gaep feihvuzciz vwnzva yizcanj mingzloeg.



▲ Caijdiu《Liuz Samcej Ban-
haemh Youz Dahliuevaneh》.



▲ Heiqgofoux caijdiu《Liuz
Samcej》ciengzmienh hung raix-
caix.



▲ Heiqcaijdiu《Gek Dah
Cambawx》.



▲ Bouxhag cingq yienj
heiqcaijdiu《Vangzsanh Dwk-
roeg》.